



Uunga
Inatsisartunut ilaasortaq
Kim Kielsen
-/maani

Siumut sinnerlugu Inatsisartunut Ilaasortap Kim Kielsenip § 36, imm. 1 naapertorlugu apeqqutaanut allakkatigut akissut.

28. oktober 2010
Suliap nr.2010-040323
All. nr. 490999

Kræftertut pillugit Naalakkersuisunut apeqqutit.

Postboks 1160
Oqar: 34 50 00
Allakk: 32 55 05
3900 Nuuk
Email: pn@nanoq.gl
www.nanoq.gl

Inatsisartunut ilaasortap apeqqutaanut siusinersukkullu akissuteqaatinik itisiliinissamut periarfissinneqarninnut qujavunga.

Apeqqutit imaapput:

- 1. Kræftertut qassit suliaritinneqarnissaminnut utaqqisuniippat, immaqaluunniit kræftertunik suliaritinnissamut utaqqisoqanngila?**
- 2. Nalakkersuisut kræftertut pillugit allanik paasissutissanik saqqummiussisinaappat?**

1-imut)

Kalaallit Nunaanni peqqinnissaqarfimmi kræfti nappaatitut tassanngaannaq toqussutaasinnaasutut isigineqarpoq, ullumikkullu kræftimik nappaateqarlersimasutut pasitsaassaqaraanni imaluunniit nappaateqarneq uppersarsineqarpat, innersuunneqarnissamut katsorsarneqarnissamullu peqqinnissaqarfimmi utaqqisoqartanngilaq.

Peqqinnissaqarfiup ingerlatseriasii imaapput:

- Nakorsap napparsimasoq kræfteqartoq pasitsaakkuniuk, napparsimasoq sapinngisamik piaarnerpaamik DIN-imut annertunerusumik misissugassanngorlugu ingerlateqqissavaa.
- Kræfteqarneq uppersarsineqarniarpat napparsimasoq Kalaallit Nunaanni avataannulluunniit katsorsartikkartorlugu sapinngisamik piaarnerpaamik aallartinneqassaaq.

Napparsimasoq suminngaanneersuugaluarpalluunniit ingerlatseriaatsit qulaani eqqaaneqartut atuupput.

2-mut)


Kræftimut tunngasut – katsorsaaneq paaqqutarinninnerlu ilanngullugit – ingerlaavartumik ineriartortinnissaat qulakkearniarlugit Naalakkersuisut arlalissuarnik suliniuteqarput. Maannakkorpiag suliniutaasut eqqaaneqarsinnaasut makkuupput:

- 2011-mi ukiakkut Inatsisartut ataatsimiinnissaannut kræftimut tunngasunut allaganngorlugu nassuiaammik saqqummiussassamik suliarinnittoqarpoq. Taanna tulliusumik kræftimut pilersaarusiornissamut tunngaviussaaq.

- Peqqinnissaqarfiup sulisuinut septembarip aallartinnerani niaqqukkut-toqqusaakkut kræfteqartarneq pillugu isumasioqatigiinnermik ingerlatsisoqarpoq, Rigshospitalimiit tinunernut ilisimatusarsimasunit aamma inunnit pingaaruteqartunit, Neriuffiit Kattuffiat ilanngullugu, peqataaffigineqartumik.
- Septembarimi niaqqumut-toqqusaamut tunngasut pillugit nuna tamakkerlugu suleriaatsit Rigshospitalip tinunernut ilisimasalittai ilagalugit oqaluuserineqarput.
- Ineriartortitsinissamut periarfissat misissorniarlugit Peqqinnissaqarfiup aqutsisui oktobarimi Rigshospitalimut tikeraarput.

Peqqissutsimut Naalakkersuisutut Neriuffiit Kattuffiallu oqaloqatigiilluartarnerput nuannaarutigeqaara, kræftimullu tunngasunut annertoorujussuarmik suliniuteqarnerannut nersuaalarinningaarlunga oqarsinnaavunga.

Inussiarnersumik inuulluaqqusillunga



Agathe Fontain



20. oktober 2010

Inatsisartut suleriaasianni § 36, imm.1 naapertorlugu matumuuna Naalakkesruisu ima ittumik apeqquummik saqqummiussivigaakka.

Naalakkersuisunut apeqquut:

- 1. Kræftertut qassit suliaritinneqarnissaminnut utaqqisuniippat, immaqaluunniit kræftertunik sulairitinnissamut utaqqisoqanngila?**
- 2. Naalakkersuisut kræftertut pillugit allanik paasissutissanik saqqummiussisinnaap-pat?**

(Inatsisartuni ilaasortaq Kim Kielsen, Siumut)

Tungavilersuut:

Ullumi pingasunngornermi 20. okt. 2010 Inatsisartut ataatsimiittarfianni apeqqarissaartoqartillugu qulaani apeqqutigisakka pineqartut oqaatsitigut apeqqutigigaluarpakka, Naalakkersuisunullu ilaasortap apeqqutikka akinngimmagit matumuuna allakkatigut apeqquteqaateqarpunga.

Apeqquteqaatikka piumasarivara ullut suliffiusut qulit iluanni akineqarnissaat.